

رومانیاده مشاهدات

الیوم رومانیا درین بر بحران داخلی کجیر مکده در. بن بونی کچنلر ده داخلیه ناظر منک رومانیا پایتختی زیارت ایتیمی مناسبیه وظیفهم ایجابی اوله رق بکرشه کیتدیکم وقت مشاهده ایدم بیلدم . طلعت بک رومانیا طوپراغنه آیاق باصدینی وقت انتخاباتک الک حاد بر دورسی ایدی . بر هفته صکره قانون اساسینک بر قاچ ماده سنی تعدیل ایتک وظیفه سیله مکلف بر « مؤسسلر مجلسی » Assemblée constituante اعضاسی انتخاب اولنه جقدی .

تشریع مجلسلرینک عمومی انتخاباتی بر مملکت ایچون بیوک بر سیاست داخلیه مجادله سنه وسیله اولدینی معلومدر . هر سیاسی فرقه لرک مطبوعات صحیفه لرنده و کرک مبعوثلق ایچون کوستردیکی نامزدلر طرفندن یاپلقده بولنان اجتماعلرده پروگرامنی ایضاح ایتک ایچون بو وسیله دن استفاده ایدر . عموم اهالی یه سوز سویله مک اوئی دریندن درینه حرکت کتیرمک فرصتی در .

فقط انتخابات تشریعه ، مملکتک قانون اساسیسنی تعدیله مأمور اوله جق بر مجلسک انتخابی ایچون یاپیلر ایسه انتخابات کورولتیلری البته دها بیوک ، دها حرارتلی اولور .

بونک ایچوندرک رومانیاسی فرقه لری آره سنده مجادله غایت شدتلی ایدی . بو فرقه لری بر آز کوزدن کچیرم لم .

رومانیاده بر قاچ سیاسی فرقه وارددر .

۱ — محافظه کار فرقه سی که بوکون رئیس موسیو « مارکیلومان » در . بو فرقه نک رئیس موسیو « پیه ر قارپ » ایدی . بو ذات فرقه سنی بر چوق سنه لر دن بری غایت متین بر صورتده اداره ایتدیکی حالده بر قاچ سنه اول فرقه نک اداره سندن چکلدی . اونک یرینه کچن موسیو « مایورسکو » دها کچنلر ده فرقه ریاستدن استعفا ایلدی . محافظه کار فرقه سی زادکاندن و بیوک اراضی صاحب لرندن عبارتدر .

۲ — محافظه کار ده موقرات فرقه سی که رئیس موسیو « تا که یونسقو » در بوفرقه نیک پروغرامی محافظه کار فرقه سنک پروغرامندن اوقدر آز فرقی در که بوندن برسنه اول موسیو « تا که یونسقو » موسیو « مایورسکو » نیک ریاستی آلتنده بولان محافظه کار قاینه یه داخلدی .

محافظه کار — ده موقرات فرقه می ده اکثریازادکاندن و بیوک اراضی صاحبیلندن عبارتدر . بناءً علیه بوفرقه نیک منافی محافظه کارلرک منافی ایله متحددر .

۳ — لیبرال فرقه سی که رئیس موسیو « ژان براتیانو » در . فرقه اعضاسنک وضعیت اجتماعی سی شو صورتله ایضاح اولنه بیلیر :

بونلر عینی زمانده هم بیوک اراضی صاحبیلر هم ده بیوک فابریقه تور و تجارتدر . مثلاً فرقه رئیس موسیو « براتیانو » فابریقه جیلق ایدن زادکانک بر نمونه سیدر . یعنی غایت واسع اراضی یه متصرف اولمقله قالمیوب عینی زمانده فابریقه لره و دارالصناعه لره مالکدر .

ملیتپرور — ده موقرات فرقه سی که رئیس معلم « نیکولا یورغا » در . نسبةً پک ضعیف اولان بوفرقه نیک منتسبلری عمومیتله دعوی وکیلی ، طیب ، معلم ، پاپاس کبی مسلکه سلوک ایدنلردر .

۵ — سوسیالیست فرقه سی که دو قوتور راقوفسکی نیک تحت ریاستده در . معلوم اولدینی اوزره بوفرقه عمله نیک وزراعت رنجبرلرینک تشکیلات سیایه سندن عبارتدر . « ملیتپرور ده موقرات » فرقه سی قدر ضعیفدر .

کورولیور که بوفرقه لرک ایچنده اک مهملری محافظه کارلر ایله لیبراللردر . بونلر مملکتی مناوبه ایله اداره ایدرلر .

بالقان محاربه سی اثناسنده موقع اقتدارده محافظه کارلر بولیوردی . بوکون ایسه لیبراللر او موقعده در . بوکره لیبراللر موقع اقتداره کلدکلرینده هیئت وکلا رئیس موسیو « براتیانو » ایکی مهم اصلاحات اجرا ایتک نیتنده بولندیغنی اعلان ایتدی . بواصلاحات :

اراضی بی چفتجیلر منفعتنه اوله رق استملاک و انتخابات قانونی تعدیل ایتمکدن عبارت اوله جقمش .

لیبرال قاینه سی طرفندن تصور ایدلمکده اولان اصلاحاتنه بالطبع محافظه کارلر طرفندن شدتله مخالفت ایدلمکده در .

بو ذاتاً یک قولای آکلاشیلیر شیلردندر . زیرا بو اصلاحات طوغریدن طوغریه محافظه کارلرک منافعی اخلال ایتمکده در .

محافظه کارلرک، مملکتک بیوک اراضی صاحبلرندن عبارت اولدغنی سویه - مشدم . دیمک اولورکه اراضینک استملاکی اونلرک منافعه مغایردر . واقعا اراضیسی آینه جق صاحبله تضمینات ویریه جکدر . فقط اراضیسنه طوقوننا - منی ترجیح ایدن محافظه کارلرک منفعی بو اصلاحات ایله اخلال ایدیه جکی آشکاردر .

بوندن طولاییدرکه محافظه کارلر بو اصلاحاتنه قارشى متفقاً و بتون قوتلریله آیاقلاندیلر . کرک مطبوعات واسطه سیه وکرک اجتماعلر ترتیبی صورتیه استملاک پروژه سنه قارشى شدتلی بر مجادله آچدیلر .

حتی صوک تدبیر اولق اوزره بو مجادله یه قرالک اسمنی بیه قارشدیره رق اصلاحاتی مدافعه ایدن لیبرالره قارشى حرکت ایتدیرمک اوزره قرال اوزرینه اجرای نفوذ ایتمک ایتورلر .

محافظه کار فرقه سنک اک نفوذلی اعضاسندن سابق حربیه ناظری موسیو فیلیپسکو محافظه کارلرک واسطه نشریه سی اولان « نه بوقا » غزته سنده بو اصلاحاتی تصویب ایدن مقام حکمدارییه قارشى شکایتلر وکیلزلی تهدیدلر ایله طولو اولارق قراله خطاباً بر آجیق مکتوب نشر ایتدی .

لیبرال فرقه سنه قارشى اجرا ایتدیکی شدتلی زهرلی هجوملرندن طولای محافظه کار فرقه سنک ریاستده قالمسی غیر ممکن بر حاله کلن و بوندن ناشی فرقه نك اداره سنی ترک ایتمک مجبوریتنده قالان اسکی فرقه رئیس موسیو « پیه رقارپ » یاش شهرنده ایراد ایلدیکی برنطقده براتیانو قاینه سنک پروغرامنی « مملکت و مقام حکمدارییه قارشى ترتیب ایدلمش بر سوء قصد . » دیه توصیف ایتدی .

اونطقده بو اختیار محافظه کار تصور اولتان ایکی اصلاحاتی وجوده کتیرمکله

لیبرال لارک یالکیز مملکتده ترقیسنی دکل حتی عالیله حکمداری بی بیله تهلیکیه
القا ایله جکلرینی اثباته اوغراشدیلر .

موسیو قارپک ادعاسنه کوره بو اصلاحاتدن صکره چفتجی سننی او قدر قوتلی
اوله جقمش که دولت ایشلرینک ادارهسنی لارینه آله حق و بو تقدیرده مملکتک
منافی پک نقصان بر صورتده مدافعه ایله جقمش . ایشه بوندن طولای درکه
سابق محاذه کار رئیسینک نظرندده بو اصلاحات اوله « مملکت قارشى بر سوء
قصد » دن بشقه برشی دکلدر .

ثانیاً بو اصلاحات برده « مقام حکمداری بی قارشى بر سوء قصد در » زیرا
موسیو قارپک فکرینه کوره چفتجیلر پک کوومیلرک بر قوت تشکیل
ایده مزلر مش . موسیو قارپ « رومانیا برلسی قوزا خلع ایلدیکی وقت نعمتی
کورمش اولان چفتجیلر اونى مدافعه ایتمه دیلر » دیدی . بناء علیه ا کر قرال
قارول کندی عالیله سنک منافعی دوشونور ایسه لیبرال قاینه سنک بر و غرامنک
اجرا و تطبیقه بتون قوتیه مخالف ایتمی ایش . کوروویورکه بو طایفه قرالی
قورقوتیق مقصدیه ترتیب ایلمکده بولنان حقیقی بر شائزدر .
سویله مکک لزوم یوقدرکه بو نطق لیبرالرو حتی محافظه کار - ده موقراتلر
آره سنده بیوک برهیجان تولید ایتمی .

لیبرال لارک واسطه نشر افکاری اولان « نهنده پاندانس رومنه » غزته سی
محافظه کارلری موسیو قارپ ایله هم فکر اولوب اولوب اولمدقارینی و اونک
بیاباننک مسؤلیته اشتراک ایدوب ایتمدکلرینی بیانه دعوت ایتمی . محافظه کارلرک
واسطه نشریه سی اولان « بولتیقه » غزته سی ایسه موسیو قارپک بیاناتی فرقه
نامنه دکل صرف اونک حسابنه وقوع بولایغنی بیان ایلمی .

بو تفصیلاتک ویرلمسندن مقصد محافظه کارلرک، بو اصلاحاتک اعلانیله
کندیلرینی نه قدر نهید آلتنده حس ایتمدکلرینی و بونلره قارشى نه درجه دشمنلی
مقاومتده بولندقارینی و برده اصلاحات طرافدار و مخالف فرقلر آره سنده کی
مجادله نکه نه قدر قوتلی اولدیغنی کوستریمکدن عبارتدر .